

Nunatta Qitornai

Inatsisartuni



19.november 2020

UKA2020/30

Nunatsinni, Namminersorlutik Oqartussat pilersitaannik, Namminersorlutik Oqartussat oqartussaaffigisaannik aningaasaqarnermik ingerlatsivinnik, soorlu aalisarnermut aningaaseriviliornissamik, kreditforeningiliornissamik, pensionskarsiliornissamik aammalu sillimmasiisarviliornissamik pitsaaqutaasussat akimmisaarutaasussallu pillugit Naalakkersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. Aallartitsinermi aningaasarsiornerup silarsuaani naatsersuutigineqartut, ass. pisortanit aallarnisarnermi aningaasaliisutaasussat aammalu sulisoqarnikkut pisariaqartinneqartussat nalunaarusiami pingaartilugit ilaatinneqassapput.(Inatsisartunut ilaasortaq Henrik Fleischer, Siumut)

Siunnersuuteqartup siunnersuutaa paasilluarsinnaavarput aammalu pitsanngoriaateqarsinnaasutut isigisai apeqqusernagit.

Aalisartunut sillimmasiiniarnermut, kreditforeningeqarnissamik, pensionskasse-liornissamik aammalu aningaaseriviliornissamik kissaateqarneq paasilluarsinnaavarput. Paasilluarsinnaavarput pisutigalugu maannakkut pissutsit atuuttut eqqarsaatigalugit aalisartukkormiut annerusumik aningaasatigut atugassaqartinniarneqarnerini illoqarfimmi sumi najugaqartuuneq aallaaviusorujussusarput aningaaseriviit atugassatigut aqqissuiniarnerini. Pisassat, illoqarfiit ineriartorfiunerusut aammalu inuttut ataasiakkaatut aningaasatigut inissisimaneq aallaaviuvoq, taannalu tunngavigalugu taarsigassartitsisoqarsinnaanera aammalu aningaasalerfigineqarsinnaaneq pitsaanerutinneqartarluni pifinni aaliangersimasuminngaanneeraanni.

Aalisartukkormiunut ilungersunartunik atugassaqartitsisoqartarnera ilisimaarigatsigu taamatut missisueqqusineq paasilluarsinnaavarput.

Taamattorli isumaqatiginngilarput nutaamik nalunaarusiornermik aallartitsinissaq, siunertamut tasungarpiamut. Naalakkersuisut akissutaanni, aammalumi ilassutitut akissutaanni, erserpoq Inatsisartut UKA2017/135 nalunaarusiassatut akuersissutigineqarsimasoq qinersinerullu peqqutigisaanik naammassineqanngitsoorsimasoq taanna nukinnik atuiffigineqarnissaanik innersuussinerat naammassinninniarneralu taperserparput. Nalunaarusiortoqassappat.

Taamatut oqareerluta isumaqarpugut aningaasatigut inissisimaneq aalisartukkormiunut isumatusaarnerusooq pitsaanerusooq nassaarineqarsinnaasooq aningaaseriviliunngikkaluarluni.

Tassalu pisassiisutigineqartartut inummut toqqartumik atasooq, niuerutigineqarsinnaanngitsoq ukiuni tallimakkaartumik atuuttussamik aqqissuussineq eqqunneqartariaqartoq.

Nunatta Qitornai

Inatsisartuni



Imatut paasillugu, aalisartooq pisassinneqartassaaq pisassat ukiuni tallimani atuuttussat. Aalisartup nalussanngilaa ukiuni tallimani aggersuni qanoq isertitaqarsinnaanini, aningaasaqarnera patajaallis-saaq, siunissamut pilersaarsinnaalissaaq, ilaqutariittut ileqqaarsinnaalissapput, isertitassaata aalaakkaasuunissaa peqqutaalluni sumiikkaluaruniluunniit aningaaserivimmut atorniarnermini akissaqassutsi aningaasalersorneqarnissamut patajaannerulersissavaa minnerunngitsumillu aalisar-tunngorusunnermik anersaaq nukittorsarneqaannarani pisassanik paggattarneq atorunnaassaaq. Pissutsit aalisartumut toqqissisimanaannarani ukiumiit ukiumut inuuniarsuarneq atorunnaarsin-neqassaaq inuiaqatigiittullu aaqqiillattaarnerit qaangerneqassallutik.

Tamassuma pisussaaffilissavaa naalakkersuinikkut pisassanik innersuussiniarnermi piffissaaq ungasinnerusoq isigalugu pilersaarsinnaaneq pilersinneqassaaq aammalu aaqqissuussinerup nassa-tarissuaa pisassiisarneq politisererneqarsinnaajunnaarnera qinersivimmiit qinersivimmut attuuma-junnaarsinneqassammat. Siunnersuinermut aningaasartuutit annertusissapput aammalu peqassut-sip nalunaarsornissaanut suliassaaq annertunerulissooq aalisarnermillu politikkeqarneq siammasin-nerusoq atuutilissaaq. Isumarput naapertorlugu win-win-uvoq isumatusaartoq.

Siunnersuuteqartup angorusutaanut aalisartunut arlaatigut attuumassuteqarpoq, periuseriinagaas-innaasutulli periarfissaaq aallaanerulluni.

Taamatut tunngavilersuuteqarluta naalakkersuisut nalunaarusiortariaqassappata allannguutissatut siunnersuutigineqartoq taperserparput.